

ՀԱՄԱԿԱՐԳՆԵՐ ԳԵՏԱԿԱՆ
ՀԱՄԱԿԱՐԳՆԵՐ ԳՐԱԳԱՐԱՆ

ԳՅԴ ԵՍԿ 07թ

«Ազգ եւ ժառանգություն»
Համահայկական
երիտասարդական
գիտաժողով



Լեռնային Ղարաբաղի Հանրապետություն
Ստեփանակերտ
սեպտեմբեր 26-30, 2006թ.

ՀՀ մշակույթի եւ երիտասարդության հարցերի նախարարություն
ԼՂՀ կրթության, մշակույթի եւ սպորտի նախարարություն
ՀՀ «Երիտասարդական միջոցառումների կազմակերպման
կենտրոն» ՊՈԱԿ
ԼՂՀ մշակույթի եւ երիտասարդության պալատ

«Ազգ եւ ժառանգություն»
համահայկական
երիտասարդական
գիտաժողով

Սեպտեմբեր 26-30 2006 թ.
Ստեփանակերտ

Գիտաժողովը նվիրվում է Լեռնային Ղարաբաղի Հանրապետության
հռչակման 15-ամյակին

Խմբագրական խորհուրդ

Ս. Խանյան -բանասիրական գիտությունների դոկտոր, պրոֆեսոր,
գիտության վաստակավոր գործիչ

Վ. Բալայան- պատմական գիտությունների թեկնածու, դոցենտ

Ա. Մխիթարյան – հոգեբանական գիտությունների թեկնածու, պրոֆեսոր

Շ. Ասրյան- տնտեսագիտության ամբիոնի դասախոս

Լ. Բեգլարյան- տնտեսագիտության ամբիոնի դասախոս

Գրքում զետեղված են սեպտեմբերի 26-30-ը տեղի ունեցած
Համահայկական երիտասարդական գիտաժողովի զեկուցումները

Հիշեցում չորրորդ. նպատակ և միջոց: Խորհրդային ժամանակներում կրթություն և դաստիարակություն ստացած մարդիկ հավանաբար չեն մոռացել կոմունիստական գաղափարաբանության այն առանցքային դրույթներից մեկը, ըստ որի իշխող դասակարգերը, յլխողները, պաշտոնյաները, հոգևորականները և այլ կառավարողները միշտ աշխատել են ժողովրդին պահել խավարի ու տգիտության մեջ: Մեր օրերում խավար ու տգիտություն ասելով պետք է հասկանալ ոչ թե գիտելիքների պակասը, այլ աշխարհում ու առանձին երկրներում լուծարող զարգացումներին անտեղյակ լինելը, կուլիսների ետևում լուծարող բանակցությունների, գաղտնի համաձայնությունների նյութից գաղափար չունենալը:

Ահա այդ «ժամանակակից» տգիտությունը չէ՞ պատճառը, որ այսօր միմյանց հետ են շփոթվում կամ ուղղակի նույնացվում են նուպատակն ու միջոցը, պատճառն ու հետևանքը: Օրինակ, նպատակ է հռչակվում անկախությունը, միմչդեռ այն միջոց է որոշակի նպատակների հասնելու համար: Նպատակ է հռչակվում փողը, իշխանությունը, խաղաղությունը... և մարդը հնքն իրեն չի հարցնում. իսկ դա՞ ինչի համար է... Եթե անկախությամբ մենք այսօր չենք լուծում ոչ մի հիմնահարց, ուրեմն կամ դա անկախություն չէ, կամ այդպիսի անկախություն պետք չէ: Եթե խաղաղությունը ոչնչացնում է մարդու տեսակներից մեկը, օրինակ հայ տեսակը, ո՞ւմ է ձեռնտու այդ խաղաղությունը, հայի՞ն: Ինչ է, հայը տառապում է ինքնառչնչացման նոլուցքո՞վ: Օրինակներ, անշուշտ, շատ կարելի է բերել: Խնդիրն այն է, որ պետական այրերը, առաջնորդի դեր ստանձնած անձերն ու խմբերը նախ իրենք իրենց համար ճշտեն նպատակների գերակայություններն ու դրանց հասնելու միջոցները և ապա հասարակությանը, ժողովրդին կողմնորոշեն, մեր կարծիքով, ոչ այնքան բարդ այս խնդրում:

Վաչիկ Դանիելյան

«Չայրենյաց պաշտպան» ԵՂԿ

Ղարաբաղյան հակամարտության նախապատմությունը

Ամեն մի երկիր, ամեն ազգ իր ավանդական պատվարն ունի: Երբ ժողովրդի պատմությունը հաջող ընթացք է ունենում, այն դառնում է մշակութային եւ քաղաքական կյանքի կենտրոն: Իսկ երբ ճակատագիրը հսկածում է ազգին, դառնում է ազգային կյանքի կենտրոն, հույզերի կյոզի, վերածնության երաշխիք:

Հայ ժողովրդի համար հենց նշված վերջին դերն է խաղացել եւ խաղում Արցախը:

Արցախը, գտնվելով հայկական լեռնաշխարհի հյուսիս-արեւելյան մասում, հնուց ի վեր հանդիսացել է պատմական Հայաստանի նահանգներից մեկը, որի հյուսիս-արեւելյան սահմանը, ըստ բոլոր հնագույն աղբյուրների, Կուր գետն է: Արցախի հայկական լինելիությունը հաստատում է նաեւ ժամանակակից պատմագրությունը, մասնավորապես ԽԱՀՄ ՊԱ պատմության ինստիտուտի տնօրենի տեղակալ, պատմաբան Սախարովը գրում էր, որ «Կուր գետի աջափնյա մշակութային միջավայրը եղել է հայկական, եւ այդ միջավայրի ստեղծագործություններն էլ գրված են հայերեն»:

Բյուզանդիայի եւ Պարսկաստանի միջեւ Հայաստանի առաջին բաժանումից հետո (387 թ.) Արեւելյան Անդրկովկասի տարածքը, այդ թվում եւ Արցախը, անցան Պարսկաստանին:

Ուշ միջնադարում, ձեւակնորեն գտնվելով շահական Պարսկաստանի կազմում, Արցախի մելիքություններն իրենց փաստացի ինքնիշխանությունը կարողացան պահպանել նույնիսկ այն ժամանակ, երբ Արեւելյան Հայաստանն ամբողջությամբ կորցրել էր երբեմնի անկախության մնացորդները: Խոսելով արցախյան մելիքների մասին, Մովսես Բաղրամյանը վկայել է. «Ձեռն նրանց տիրել է ուլիշը (պարսիկը), սակայն վերջինս առանց նրանց բան չի կարող անել, որովհետեւ անեն ծառայություն մեր ազգի ձեռքին է. ինչ կամենա նրանց միջոցով է գլուխ բերում, նրանցով է պաշտպանվում, նրանցով է պատերազմում թշնամիների դեմ եւ նրանցով է հասնում հաղթանակի»:

Լեռնային Ղարաբաղի տարածքն անցյալում նույնպես դիտվել է իբրեւ առանցքային իրենց տիրապետությունն Անդրկովկասում հաստատելու համար պայքար մղող պետությունների կողմից: Եվ պատահական չէ, որ 1813 թ. Ռուսաստանի եւ Պարսկաստանի միջեւ տարածաշրջանը ազդեցության գոտիների բաժանման շրջանում, հենց Ղարաբաղյան Գյուլիստան գյուղի մոտ է ստորագրվել ռաշտոյան պայմանագիր: Այդ պայմանագրի համաձայն Ղարաբաղն անցավ Ռուսաստանին:

1918 թվականը ելակետահին դարձավ արցախյան հակամարտության պատմությանմեջ, քանի որ միջազգային-քաղաքական գործընթացներում Ղարաբաղյան հակամարտությունն առաջին անգամ արձանագրվել է հենց 1918 թ., երբ ռուսական կայսրության փլուզման ընթացքում Անդրկովկասի երեք ժողովուրդները, այն է հայերը վրացիները եւ թուրքերը (վերջիններս ռուսական աղբյուրներում

կոչվում էին կովկասյան թաթարներ), հայտարարեցին անկախ ազգային պետություններ ստեղծելու մասին:

Թուրքական սվինների վրա ստեղծված Ադրբեջանը, տարածքային հավակնություններ ներկայացնելով Բաքվից մինչեւ Կասբում, սկսեց իր դաժան ինտերվենցիան: Ի պատասխան դրան, արցախահայությունը գեթ ձեռքին պայքարի ելավ պաշտպանելու իր ինքնությունը: Այդ նպատակով դաշնակցական Կուսակցության նախաձեռնությամբ 1918 թ, հուլիսի 22-ից-26-ը Շուշիում անցկացվեց արցախահայության առաջին համագումարը: Համագումարը Լեռնային Ղարաբաղը հայտարարեց անկախ վարչաքաղաքական միավոր, ընտրեց Ղարաբաղի Հայոց ազգային խորհուրդ եւ 7 հոգուց բաղկացած Ղարաբաղի ժողովրդական կառավարություն: Կառավարությունը գլխավորում էր եղիշե Իշխանյանը: Չնայած թշնամու գերազանցող ուժերին Արցախյան խորհուրդը կարողացավ կազմակերպել երկրամասի պաշտպանությունը, թեւ 1918-20 թթ. ոչնչացվել էին տասնյակ գյուղեր եւ Շուշի քաղաքը: Հարկ ենք համարում նշել, որ այն ժամանակ մեծ տերությունները եւ համաշխարհային հանրությունը ի դեմս Ազգերի լիգայի, վիճելի ճանաչեցին Լեռնային Ղարաբաղի կարգավիճակը: Այս հարցը վիճելի է ճանաչել նաեւ 1919-20 թթ. ճարհի խաղաղության վիճաժողովի, արդեն խորհրդային Ռուսաստանի, ինչպես Ադրբեջանի կողմից: Լեռնային Ղարաբաղի կարգավիճակի վիճելիության մասին են խոսում բազմաթիվ արխիվային նյութեր, որոնցից մեկում նշված է. «Ելնելով նրանից, որ բրիտանական հրամանատարության կողմից Ղարաբաղը մինչեւ հարցի լուծումը խաղաղության կոնֆերանսի ոչ մի պետության, մասնավորապես Ադրբեջանի տարածք չի ճանաչվել, Ազգային խորհուրդը գտնվում է, որ միակ հարմար կառավարման ձեւ հայկական Ղարաբաղի համար այնտեղ անգլիական գեներալ-նահապետի նշանակումն է, որի համար էլ դիմում է անգլիական հրամանատարությանը»:

1920 թվականին Հայաստանի խորհրդայնացումից հետո, յուրօրինակ ձեւով որոշվեց Լեռնային Ղարաբաղի հետագա ճակատագիրը: Մի հեռագրում ուղղված Օրջոնիկիձեին, Ստալինը գրում է. «Իմ կարծիքով չի կարելի անընդհատ խուսաճափել երկու կողմերի միջեւ, ուղ պետք է պաշտպանել կողմերից մեկին տվյալ դեպքում, իհարկե, Ադրբեջանին թուրքիայի հետ: Ես խոսել եմ Լեռնիսի հետ, նա չի ստարկում»:

Եվ այսպես «Պրոլետարական հեղափոխությունը» մահմեդական Արեւելքում տարածելու գաղափարով տոգորված 1921 թ. ՌԿ(Բ)Կ

Կովկասյան բյուրոն հուլիսի 5-ին ադրբեջանամետ որոշում ընդունեց, միաժամանակ նախատեսվում էր Լեռնային Ղարաբաղին տալ լայն ինքնավարություն վարչական կենտրոն Շուշի քաղաքով: Դա պատճառաբանվեց այն սխալ հիմնավորմամբ, թե իբր «գա անհրաժեշտ է մահմեդականների և հայերի միջև ազգային խաղաղություն հաստատելու համար, և որ դա է թելադրում Ադրբեջանի հետ Ղարաբաղի տնտեսական կապերի շահը»: Այնուհետև 1923 թ. մայիսին Ադրբեջանի կազմում ձեւավորվեց Լեռնային Ղարաբաղի ինքնավար մարզը, իսկ 1928 թ. նրա կազմից հանվեց Շահումյանի շրջանը, որտեղ հայ բնակչությունը մեծամասնություն էր կազմում:

Այսպիսով, հայկական բնակչության ճնշող մեծամասնության կամքին հակառակ, Լեռնային Ղարաբաղը ոչ միայն հանձնվեց Ադրբեջանական ԽՍՀ-ին, այլև մասնատվեց առանձին միավորների: Փաստորեն, սրանով ղարաբաղյան հիմնախնդիրը ոչ թե լուծվեց, այլ «սառեցվեց» գրեթե 70 տարով: Արցախահայության ղեկավարության ու մտավորականության ներկայացուցիչները չնայած խորհրդային ամբողջատիրական վարչակարգի հետապնդումների առկայությունը բազմիցս հանդես են եկել Սոսկվայի կենտրոնական իշխանությանն ուղղված դիմումներով, նամակներով և խնդրանքով, (1945, 1966, 1977 թթ.) պահանջելով վերացնել 1921 թ. հակասահմանադրական և անօրինական որոշումը, քննարկել Լեռնային Ղարաբաղը Հայաստանի կազմը վերադարձնելու հնարավորությունը: Ի պատասխան, Ադրբեջանի իշխանությունները հրահրում էին ազգամիջյան ընդհարումներ, ձերբակալում ու աքսորում հայտնի գործիչներին:

Ինչպես տեսնում ենք արցախահայությունը երբեք չհամակերպվեց հայրենի հողը թողնելու, մայր հայրենիքից առանձին ապրելու փաստի հետ: Եվ երբ ստեղծվեց ազգային ազատագրական պայքարը նոր մակարդակով շարունակելու հնարավորություն, չվարանց նետվելու մարտի մեջ և վիժեցնելու թուրանականության նոր դավերը:

1988 թ. փետրվարի 20-ին Ստեփանակերտում կայացած մարզային խորհրդի արտահերթ նստաշրջանն ընդունեց հետևյալ որոշումը. «Ընդհատաբերելով ԼՂԻՄ-ի աշխատավորության ցանկությունները խնդրել ադրբեջանական ԽՍՀ Գերագույն խորհրդին ու հայկական ԽՍՀ Գերագույն խորհրդին խոր գիտակցություն ցուցաբերել Լեռնային Ղարաբաղի հայ բնակչության իրձերի նկատմամբ և լուծել ԼՂԻՄ-ը ադրբեջանական ԽՍՀ կազմից հայկական ԽՍՀ կազմին տալու հարցը, միաժամանակ միջնորդել ԽՍՀՄ Գերագույն խորհրդի առաջ ԼՂԻՄ-ը

ադրբեջանական ԽՍՀ կազմից հայկական ԽՍՀ կազմին տալու հարցը որակաճորեն լուծելու համար»:

Երեսնամու ԼՂԻՄ-ի որոշումն ընդունեցին ցնցութայմբ, և հազարավոր մարդիկ դուրս եկան ցույցի, իսկ Ադրբեջանն այդ ժեստին պատասխանեց կազմակերպելով հայերի ջարդեր և զանգվածային սպանություններ ադրբեջանական ԽՍՀ-ի Սումգայիթ, Բաքու, Շամխոր, Մինգեչավուր քաղաքներում, այլ շրջաններում, որի հետևանքով հարյուրավոր մարդիկ զոհվեցին, հազարավորները վիրավորվեցին:

Եվ պարզ է, որ այս ամենը կատարվում էր Կրեմլի իմացությամբ ու մասնակցությամբ:

Հաշվի առնելով ստեղծված բարդ իրավճակը 1989 թ. հունվարի 20-ից ԽՍՀՄ-ում առաջին անգամ ԼՂԻՄ մտցվեց կառավարման հատուկ ծես: Կազմավորվեց Լեռնային Ղարաբաղի ինքնավար մարզի Հատուկ կառավարման կոմիտե ԽՍՀԿ Կենտրոնի լաճնի վարիչ Ա. Վոլսկու նախագահությամբ: Հատուկ կառավարման կոմիտեն իր գործունեությամբ անմիջապես ենթարկվում էր ԽՍՀՄ-ի պետական իշխանության օրգաններին: Սկզբից Ադրբեջանը ողջունեց հատուկ կոմիտեի ստեղծումը. սակայն հետագայում այնտեղ հասկացան, որ ԼՂԻՄ-ը դուրս է մնում Բաքվի վերահսկողությունից¹⁷: Այդ իսկ պատճառով վերջինս իր պայմանները թելադրելու նպատակով սկսեց շրջանցել կոմիտեին:

Մարզային կուսակցական և պետական մարմինների լիազորությունների դադարեցումը հասունացրեց մարզի բնակչության ներկայացուցիչների համագումարը հրավիրելու զաղափարը: Օգոստոսի 16-ին տեղի ունեցած համագումարն ընտրեց Ազգային խորհուրդ, որի առջև խնդիր դրվեց գործնականում իրագործել ժողովրդական պատգամավորների մարզային խորհրդի 1988 թ. փետրվարի 20-ի նստաշրջանի որոշումը:

Ի պատասխան դրան 1989 թ. հուլիսի 21-ից սկսած, Ադրբեջանի կողմից հայկական ԽՍՀ-ն ենթարկվեց տնտեսական ու բաղադրական շրջափակման: Ադրբեջանից ԼՂԻՄ և Հայկական ԽՍՀ տունող երկաթգծերն ու ավտոխճուղային ճանապարհները փակվեցին: Ինչպես 1989 թվականի սեպտեմբերին Հայաստանում չստացվեցին 33 347 վազոն կամ ավելի քան 1,5 միլիոն տոննա տարբեր մոդովրդատնտեսական բեռներ:

Սաստկացան նաև ճնշումներն ու պատժամիջոցները նստումյանի շրջանում: Դեպքերի նման զարգացումը կանխելու համար մոդովրդական պատգամավորների շրջանային խորհրդի հուլիսի 26-ի

արտահերթ նստաշրջանն որոշում ընդունեց շրջանը ԼԴԻՄ կազմի մեջ մտցնելու վերաբերյալ: Արցախահայությունն իր տրամադրության տակ չունենալով պաշտպանության համար բավարար միջոցներ եւ հնարավորություններ բազմիցս դիմել է ԽՍՀՄ ամենաբարձր ատյանների օգնությանը, սակայն ապարդյուն: Դեռ ավելին ԽՍՀՄ Գերագույն խորհուրդը 1989 թ. նոյեմբերին ընդունեց որոշում «ԼԴԻՄ-ում իրավիճակի բարելավման միջոցների մասին», որով լուծարեց Հատուկ կառավարման կոմիտեն, փոխարենը ստեղծեց Ադրբեջանական ԽՍՀ ԼԴԻՄ-ի Կազմակերպչական կոմիտեն ադրբեջանական ԽՍՀ Կոմկուլի ԿԿ-ի նշանակված երկրորդ քարտուղար Վ. Պոլյանիչկոյի եւ Կրեմլի ներկայացուցիչ Է. Մաֆարովի գլխավորությամբ, որոնք մշակեցին եւ իրականացրին Արցախի եւ մերձակա շրջանների հայ բնակչության տեղահանության գործողություններ:

Ելնելով այս ամենից, ՀԽՍՀ Գերագույն խորհուրդը եւ Լեռնային Ղարաբաղի Ազգային խորհուրդը 1989թ. դեկտեմբերի 1-ին համատեղ նիստում որոշում ընդունեցին Լեռնային Ղարաբաղը վերամիավորել Հայկական ԽՍՀ-ին, որին Ադրբեջանի ղեկավարությունը պատասխանեց սադրիչ գործողությունների մի նոր ակիբով: 1990 թ. հունվարին տեղի ունեցան զինված ջարդեր ք. Բաքվում, որոնց հետեւանջով հարյուրավոր հայեր զոհվեցին եւ հազարավորը փախստական դարձավ: Ընդ որում, որպես հիմնական պատճառ բերվում է այն հազամանքը, որ Հայաստանից փախստականները ապրելու տեղ չունեն, դրա համար էլ հայերը պետք է ազատեն բնակավայրերը ադրբեջանցիներին տեղավորելու համար²²:

Դեպքերի նման ընթացքի պայմաններում ԽՍՀՄ Գերագույն խորհրդի նախագահությունը 1990 թ. հունվարի 15-ին ընդունում է որոշում. «Արտակարգ դրություն հաստատել Ադրբեջանական ԽՍՀ Լեռնային Ղարաբաղի Ինքնավար Մարզի ու ըս հարակից շրջանների, Հայկական ԽՍՀ-ի Գորիսի շրջանի տարածքում ...»²³: Այդ որոշման համաձայն Լեռնային Ղարաբաղում հաստատվում է ռազմական դրություն, որտեղ մարզի բոլոր գործերի վարումը իր վրա էր վերցնում զինվորական պարետատունը: 1990թ. հունվարի 18-ին Արտակարգ շրջանի պարետ գեներալ մայոր Ա. Կասալապովը ընդունեց իր առաջին հրամանը, որով արգելվում են գործադուլները, հավաքները, միտինգները, ցույցերը, թատրոնային, սպորտային եւ այլ միջոցառումները: Հաստատվում է ՋԼՄ-ի գրաքննություն, ցրվում են հայկական արցախյան «Սիւսցուն» ժողովրդական շարժումը, ԼԴ Ազգային խորհուրդը եւ Արցախի հայ ուսանողության միությունը: Այսպիսով, Լեռնային

Ղարաբաղը դարձավ փորձադաշտ դեմոկրատական շարժումների ուշման մեթոդների մշակման համար:

1990 թ. աշնանը դրությունը Լեռնային Ղարաբաղում էլ ավելի սրվեց, որը առաջին հերթին կապված է Անդրկովկասի քաղաքական իրավիճակով: Տեղի ունեցած երեք հանրապետությունների ընտրություններում կոմունիստական կուսակցությանը հաջողվեց պահպանել իր իշխանությունը միայն Ադրբեջանում: Նման պայմաններում Մադաթովի վարչակազմը Կրեմլի համար ընդունում է հատուկ նշանակություն: Հայկական ինքնապաշտպանական ջոկատները հայտարարեցին տարածաշրջանի ապակայունացման հիմնական աղբյուրը. մյուս կողմից լուվականին մեծացվեց ադրբեջանական ՕՍՕՆ-ի քանակը: Ամենայն հավանականությամբ հենց այս շրջանում համաձայնեցվեց Մոսկվայի եւ Բաքվի միջեւ «հայկական հիմնախնդրի» վերջնական լուծման պլանը, որի առաջին էտապն էր Շահումյանի եւ մասամբ Խանլարի շրջանների հայերի բռնագաղթը ու ԼԴԻՄ-ը ադրբեջանցիներով մասսայական վերաբնակեցումը: Այս գործողությունների անմիջական ղեկավարումը տոնածմվեց դժնահիշատակ Վ. Պոլյանիչկոյին, որը աչքի էր ընկնում իր եռյառյաց հայացքներով: Իր ելույթներից մեկում նա հայտարարել է «Ղարաբաղյան հողը մեր հողն է, եւ մենք պետք է այն զբաղեցնենք մեր երեխաների համար»:

Եվ այսպես 1991 թ. մայիսին ԽՍՀՄ ներքին գործերը եւ ադրբեջանական ՕՍՕՆ-ը համատեղ իրականացրեցին «Օղակ» ծածկանուն ստացած գործողությունը: 1991թ. մայիս ամսից մինչեւ օգոստոս ամիսն ընկած ժամանակահատվածում, խորհրդային բանակի եւ ԽՍՀՄ ՆԳՆ զորքերի լրիվ աջակցությամբ, անձնագրային ռեժիմի ստուգումների պատրվակով հայազգի բնակիչներ արտաքսվել են երկու տասնյակից ավելի հայկական գյուղերից՝ Գետաշենից, Մարտունաշենից, Հադրուբի շրջանի 17, Շուշիի շրջանի 4, Շահումյանի շրջանի 3 գյուղերից: «Օղակ» ռազմագործողությունը ազդարարեց Ղարաբաղյան հակամարտության ռազմական շրջանի սկիզբը. միաժամանակ այն անկասկած, դարձավ խորհրդային շրջանի առաջին եւ վերջին լուրջաքաղաքական պատերազմը, որին մասնակցել են խորհրդային ռանակի զորամասերը:

Իրավիճակը կսրուկ փոխվեց Մոսկվայում օգոստոսյան խռովության ծախսողումից հետո: Ադրբեջանի նախագահ Այազ Մութալիբովը, որը պաշտոնապես հայտնել է իր աջակցությունը խռովարարներին, փոխեց իր դիրքորոշումը եւ հայտարարեց Ադրբեջանը դեպի անկախություն տանելու մտադրության մասին: Իսկ ԼԴ ղեկավար եւ

Աղբրեջանի կոմկուսի կենտկոմի երկրորդ քարտուղար Պոլյանիչկոն, որը խոստացել էր խոռվության հաջողությունից հետո Ղարաբաղում գործածած իր վայրագությունների փորձը տարածել ողջ ԽՍՀՄ տարածքով մեկ, անփառունակ մեկնեց Մոսկվա:

1991 թ. օգոստոսի 30-ին աղբրեջանական ԽՍՀ Գերագույն խորհուրդը հռչակում է 1918-20 թթ. պետականության անկախության վերականգնումը սկիզբ դնելով ԽՍՀՄ-ից Աղբրեջանական ԽՍՀ-ի դուրս գալու գործընթացին: Այս առումով հարկ ենք համարում ընդգծել, որ Լեռնային Ղարաբաղի նկատմամբ Աղբրեջանի հավակնությունները, հատկապես անկախությունը վերականգնելուց հետո, ոչ մի հիմք չունեն, քանի որ ԼՂ-ը մուսավաթական Աղբրեջանի մաս չի կազմել եւ եղել է առանձին կազմավորում: Մյուս կողմից Աղբրեջանի անկախացումը ԼՂ-ին իրավական հիմք տվեց դուրս գալու նրա կազմից. «Մենք սպասում էինք դրան եւ պատասխանեցինք Լեռնային Ղարաբաղի անկախության հռչակումով: Խորհրդային Սահմանադրության մեջ կար մի հոդված, որտեղ ասվում էր, որ եթե մի հանրապետություն դուրս է գալիս ԽՍՀՄ կազմից, ապա նրա մեջ գտնվող Ինքնավար հանրապետությունը իրավունք ունի որոշելու մնալ այդ հանրապետության կազմում, թե՛ ոչ»:

Աղբրեջանը ցնցումով ընդունեց 1991 թ. սեպտեմբերի 2-ին Ստեփանակերտում զումարված Լեռնային Ղարաբաղի Մարզխորհրդի եւ Շահումյանի Շրջխորհրդի միացյալ նիստում ընդունված հանրահայտ պատմական որոշման լուրը, ըստ որի Մարզը եւ Շահումյանի շրջանը ընդգրկող տարածքը հռչակվեց Լեռնային Ղարաբաղի Հանրապետություն:

Այսպիսով, ինչպես տեսնում ենք, Լեռնային Ղարաբաղի Հանրապետությունուը ԽՍՀՄ կազմալուծման ընթացքում կայացել է լեգիտիմ ձեւով: Նրա կայացման օրինականության հիմքում ընկած են թե՛ ԽՍՀՄ 1991 թ. «ԽՍՀՄ-ից միութենական հանրապետության դուրս գալու հետ կապված հարցերի լուծման մասին» Օրենքը, թե՛ ազգերի ինքնորոշման միջազգային իրավական նորմը:

Ֆորմատ 84x60/8, ծավալը՝ 10.5 տպագրական մամուլ,
տպաքանակը՝ 300, թուղթ՝ օֆսեթ:
Տպագրությունը՝ «ՊՈԼԻԳՐԱՖ» ՓԲԸ
Ստեփանակերտ, Վ.Մամիկոնյանի փող., 21,
հեռ 4-89-96, 4-89-97, 4-89-98,

